

Transkription von Testament HST 1385b

Ort, Datierung: Stralsund, 1385-08-09

Signatur: Stadtarchiv Hansestadt Stralsund, Test 1, Nr. 0410 [\[online\]](#)

Inhalt: Gerde Teterowes: Testament

In gode namen amen yk ver herde teterowes ene borghersghe to de sunde de dar ys kranc / in deme lych(n)ame doch van der godes gnade sunt vnde mechtich myner synne vn(de) myner / reddelycheyt . stedege vn(de) make myn testame(n)te in aldus daner wys to deme eyersten male zo / be vele yk myne zeile in de hande des almechtighen godes . Jt(em) zo gheue yk inde kerke to / sunte nicolawese iiiii m(a)r(k) sundesgher pe(n)ni(n)ge vn(de) dar sulues zo keze yk myne by graft Jt(em) zo gheue yk hebelen mynes broder dochte(re) hundred m(a)r(k) van deme redesten gude ¹ sundesgher pe(n)ni(n)ge vn(de) / myne besten mowen spangen der ys xxiiii par Jt(em) zo gheue yk katarine(n) myner maghet / mynen blawe(n) hoyken ane vor spa(n)ne Jt(em) broder ludeken deme augustin(er)e ii mark sundysgh / Jt(em) broder thomase syneme brod(er)e viii (mark) sundysgh Jt(em) alheyde der** vrow de my wart an myner / krancheyt myne(n) besten pels . Dyt testame(n)te wyl yk holden vor mynen lesten willen vn(de) vn=/vpruplyk to vormu(n)dere desse testame(n)tes kese yk vn(de) stedege de erbaren lude Johem suluerberner / myne(n) broder Johem man(ne) Johem vrygdaghe vn(de) hinricum vrygdaghe zyne(n) broder . vn(de) / bidd(e) se dor got dat se myne sele also vorstan also yk eneme gywelken to beloue . dat ghe / gheuen vn(de) ghescreuen ys na godes bord xiiij hundred iar Jn deme vyf vn(de) achttesteghen Jare / Jn sunte laure(n)ti(us) auende des hylleghe(m) mertelares . Hir hebbe an vn(de) ouer ghe weset de / erbaren heren her andrewes kanemaker her dyderyk van dorpen Ratlude to deme sunde / dede sunderlyken synt ghesant van den borghermesteren to tughe(n)de desser . / vorbe nu(m)meden ding

¹ *gude* nachträglich übergeschrieben